

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 4. Pravilnika o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu pomoć za rođenje djeteta („Službene novine Kantona Sarajevo" broj 13/24 i 28/25) i tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH", broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV

za dodjelu novčanih sredstava za sufinansiranje troškova vantjelesne oplodnje i za jednokratnu novčanu pomoć za rođenje djeteta

1. PREDMET JAVNOG POZIVA

Predmet ovog Javnog poziva je dodjela novčanih sredstava za sufinansiranje troškova vantjelesne oplodnje i za jednokratnu novčanu za rođenje djeteta.

2. FINANSIJSKA SREDSTVA

Sredstva za dodjelu jednokratne pomoći raspoređivat će se u skladu sa odredbama Pravilnika o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu pomoć za rođenje djeteta („Službene novine Kantona Sarajevo" broj 13/24 i 28/25) sa budžetskih pozicija:

- 614200 Beneficije za socijalnu pomoć socijalne pomoći pojedincima pomoć porodicama u iznosu od 130.000,00 KM
- 614200 Beneficije za socijalnu pomoć sufinansiranje vantjelesne oplodnje u iznosu od 60.000,00 KM

Planiran iznos sredstava za ove namjene u Budžetu Općine Centar Sarajevo za 2026. godinu iznosi 190.000,00 KM.

Minimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu pomoć za rođenje djeteta („Službene novine Kantona Sarajevo" broj 13/24 i 28/25) iznosi 200,00 KM.

Maksimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu pomoć za rođenje djeteta („Službene novine Kantona Sarajevo" broj 13/24 i 28/25) iznosi 2.500,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ DODJELE POMOĆI PUTEM JAVNOG POZIVA

Cilj lokalne zajednice je da kroz djelovanje u sistemu socijalne zaštite izdvajanjem budžetskih sredstava obezbijedi bolje uvjete za porodični život i pronatalitetnu politiku.

4. UVJETI ZA OSTVARIVANJE PRAVA NA NOVČANU POMOĆ

Uvjeti za ostvarivanje prava na jednokratnu novčanu pomoć za sufinansiranje troškova vantjelesne oplodnje su :

- a) Da je podnosilac zahtjeva u bračnoj zajednici prije početka postupka vantjelesne oplodnje ili u vanbračnoj zajednici u trajanju od najmanje tri godine prije početka postupka vantjelesne oplodnje;
- b) Da je prebivalište jednog od bračnih/vanbračnih drugova na području općine Centar Sarajevo najmanje godinu dana prije podnošenja zahtjeva za ostvarivanje prava;
- c) Da ima preporuku zdravstvene ustanove koja se bavi medicinski potpomognutom oplodnjom;
- d) Da žena nije navršila 42 godine života;
- e) Da postupak vantjelesne oplodnje za koji se traži sufinansiranje nije okončan;
- f) Da bračni/vanbračni par koji podnosi zahtjev za ostvarivanje prava na sufinansiranje postupka vantjelesne oplodnje ne može ostvariti /nije ostvario pravo na finansiranje/sufinansiranje istog putem Zavoda zdravstvenog osiguranja i reosiguranja Federacije Bosne i Hercegovine.

Uvjeti za ostvarivanje prava na jednokratnu novčanu pomoć za rođenje djeteta su:

- a) Da porodilja ili otac djeteta imaju najmanje godinu dana prebivališta na području općine Centar Sarajevo;
- b) Ukoliko jedan od roditelja nema prebivalište na području općine Centar Sarajevo da pravo na jednokratnu novčanu pomoć za rođenje djeteta nije ostvario na području općine svog prebivališta;
- c) Da je zahtjev za ostvarivanje prava podnesen u roku od 60 dana od dana rođenja djeteta.

Napomena: Očevi sa prebivalištem na području općine Centar Sarajevo koji koriste porodijsko odsustvo, imaju pravo na jednokratnu novčanu pomoć u iznosu od 200,00 KM. Rok za podnošenje zahtjeva za ostvarivanje prava je 60 dana od dana otvaranja porodijskog odsustva od strane oca djeteta.

5. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

a) Za jednokratnu novčanu pomoć za rođenje djeteta

- dokaz da bračni drug nije istu vrstu prava ostvario na području općine svog prebivališta (ukoliko to nije područje općine Centar Sarajevo)
- tekući račun podnosioca zahtjeva.

b) Za sufinansiranje troškova vantjelesne oplodnje

- kućna lista;
- izvod iz matične knjige vjenčanih;
- izjava o vanbračnoj zajednici (ukoliko nije sklopljen brak);
- preporuka nadležne zdravstvene ustanove za postupka vantjelesne oplodnje;
- predračun troškova vantjelesne oplodnje na kojem je navedeno koji je postupak vantjelesne oplodnje po redu za ženu;
- tekući račun (ukoliko se postupak obavlja na klinici van BiH);
- Dokaz da bračni/vanbračni par koji podnosi zahtjev za ostvarivanje prava na sufinansiranje postupka vantjelesne oplodnje ne može ostvariti /nije ostvario pravo

na finansiranje/sufinansiranje istog putem Zavoda zdravstvenog osiguranja i reosiguranja Federacije Bosne i Hercegovine.

6. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Općina zadržava pravo da izmjeni iznos planiranih sredstava u skladu sa izmjenama budžetskih dokumenata u toku godine.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 60 dana od dana podnošenja riješiti zahtjev i o tome obavijestiti podnosioca.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Korisnici koji ostvare pravo po ovom Javnom pozivu , dužni su dodijeljena finansijska sredstva pravdati na način koji će biti utvrđen zaključkom Općinskog načelnika.

Podnosilac zahtjeva može istaći prigovor na akt kojim je riješen zahtjev u roku od 8 dana od dana prijema. O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 30 dana od dana ulaganja prigovora odlučiti o istom.

Dodatne informacije se mogu dobiti na broj telefona: 033/562-447.

Općinski načelnik

Srđan Mandić